

香外書冊

詩集

道山人遺草

卷之二

和書門類	二六四〇五號	七四函	六架	三冊
------	--------	-----	----	----

和書類	二六四〇五號	三冊	六函	二架
-----	--------	----	----	----

內閣文庫	番號	和 26405
	冊數	3 ( 2 )
	函號	206 643




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



漫遊艸卷之二

一名兔道遺草

淺草文庫

兔道山人澤元愷弟侯甫著稿

余之於孝秩宵燭之未光何啻薰陶切嗟丁嚶多得之孝秩氏云

馭風樓印譜序孰曰彫蟲篆刻壯夫不為也所謂待後世子雲其復安在故又曰得時則大行不得時則龍蛇然則彫蟲篆刻蓋不得時者所為其懷鉛提槧如彼其苦矣其三世一官拓落故已世嘲玄尚白者抑何大之為其唯壯夫是以彫蟲篆刻不得不為已余知子琴於詩賦又知於篆刻俱為識者見稱云頃

馭風樓午未印譜成乞叙于余午未者寅卯而辰巳  
相續者也岡公翼合鹿王叙其二集而言運刀之妙  
刻意之雅趣業已盡矣詘奇瑰瑋愈出愈奇如玉如  
悲猶入昆岡是其好深湛之思亦足以見簡易佚蕩  
無有汲戚之態已子琴春秋富矣過此以往博覽無  
不究道進乎技而欲行則非時欲默而不能已於是  
予五千文十萬言深者入黃泉高者出蒼天遂令人  
曰黨鬼神可也然後抗顏而曰彫蟲篆刻壯夫不為  
也與余有待子琴爾是為叙

醫隱說周官醫師上士二人其屬中下士三十人秦

漢有大醫令丞工長等至晉銅印黑綬進賢冠絳朝  
服屬宗正其後所屬不同亦有損益而我先聖取  
制於隋唐而列朝復加備焉則典藥頭爵五品博士  
已下畢不下七品也不為不貴也方今東都則增秩  
以富焉優於古二千石而世其家矣醫亦不儼然顯  
仕耶吾友左君子岳自稱醫隱豈謂學而優猶不仕  
耶奚其然子岳以儒為醫以精為負郭而已胡嫌仕  
於醫夫肉骨而生歿是存亡而繼絕也蒼生賴君之  
靈者日填門巷可謂輔上之仁於下焉者也與夫奇  
僻偏儉以大不近人情自道不則文飾似而非者自

尊大其名欲強齒士君子之間者不大縣殊哉何必  
挂冠神武門愛松風遊泉石然後謂之隱哉朝隱市  
隱乃隱之深者已雖然子岳儒者也烏慕竊桃生之  
所為者乎哉嗚然日章君子之道也子岳之業日顯  
是其所以日隱也四十五其聞益遠其術益精視  
諸侯於朝而治未病天子尸厥生當生者乎則寶書  
遽而下奉秩以賞有功而輔其仁於上烏乃子岳之  
隱遂矣醫國固醫官不為宰相者所為是耶左君艱  
然而笑遂書以贈

小西正平印譜序予廬咫尺北海精舍也豈曰與而

有光輝哉朝教莫誨日復一日以故塾下諸子若親  
友或詩或文乃至雜伎小道亦與予相得而歡云塾  
生西正平蓋稱多能也近者留意於篆刻造次顛沛  
業已升堂將入室遂荒於務矣爭友或為言一日幡  
然謂曰彫喪篆刻為崇典而今而後誓弗為也友曰  
善心降矣哉篋中有印譜一卷其得意者云構思之  
運刀自在榮爛乎奪目携來示予且乞序言予詫  
曰吁雞肋哉烏足冠予言既誓弗為也與何復愛玩  
其跡雞肋非邪正平愕然予徐謂曰勿傷此可序矣  
譜之有成乃伎之不成過而善改孰如其勇其諸謹

序焉爾夫業精于務進于勇、往不休大器之成其  
何憂晚若其荒于怠何止篆刻凡雜伎小道何物不  
為之崇是故君子不多也其惟執御而已卒莫念前  
戲請相與質諸北海翁爾正平曰正唯遂書簡端而  
贈

黃葭堂寄贈編序世之薄世肅者非為徇名耶道德  
仁義其言危冠方袂其服抗顏於積之不厚好為人  
之師者世肅耶覆醬之具妄罪棗栗不則撝謙乎乃  
令者世肅耶無有一於茲而以此被薄者何居執謂  
於有見或求詩若文於四方而不已且吐且握愛客

其天性云然亦東則西家怨南徃北怨世號稱韞光  
猶曰胡為後我也其為人見喜亦如此夫書畫之觀  
海外之珍購奇書於天下徵我古昔於宋祀賢者亦  
有此樂矣長袖善舞倉鼠不饑世肅雖曰未讀吾必  
謂之博矣藏書萬卷家業有資亦浪華一素封也患  
何不足惟日營、非欲文之耶富而可求則撻執鞭  
世肅惟文是求不亦善乎世肅而嫌徇名乎則陶朱  
而不恤於越者耳余且怪夫世之薄世肅之所為者  
方今升平二百年所上下分定既久矣豈謂世肅舍  
其資而不耕不織負郭華舌道說塗聽為聖世棄物

與不然獨善之行世甫亦有焉其當可以好禮矣卷  
懷亦無無無論三都名流凡讀書屬文之徒孰不知  
世甫者既而越渤海北則三韓其信使有領蓋而故  
者彼赤縣堂々之國亦復雁魚來往于商舶歐洛諸  
蕃乃至我屬大小琉球亦皆象胥相通相親於乎坐  
為登岱之歎者世甫有焉名之普四裔德之為輿何  
到之遠徇名之名世甫其何病乎遂序  
送子邦移家河內序姑射山人山退翁者孝秩義故  
也孝秩嘗謂余其為隱君子之狀其所以醫鄉人  
之狀云顧孝秩之寡許必不黨其同門矣余亦竊欽

其人之之山人以好瞿曇氏之教不欲處真人之居  
與頃將買它山鄉人留而不得則曰得視我如先生  
者其意不必在其伎則山人不能拂衣而去遂來浪  
華而謀之孝秩孝秩以子邦應焉子邦雖數奇也孝  
秩有取非但以其技蓋亦有所嘗試也鄉人舊知北  
海片先生者山人之所畏也則渴望子邦雲霓不啻  
已然而子邦之篤志不欲以僻在為順境故辭焉蓋  
姑射之邑雖僻乎其精之當二頃人或求一顧於山  
人而山人深信孝秩則不能舍子邦而忍于鄉人也  
孝秩謀之余以不佞雖不足說子邦也力不能振其

貧則不得不忍于離群也子邦幡然應其請而後鄉人之喜可知矣今孝秩不失友義於山人而山人則全其惠於鄉人焉止是而已哉子邦出則自試所得而證之行事入則佔畢殺青述其所試將行之遠耶其樂多不減孟軻氏之所稱又有慰門之情於千里外之道也且夫姑射之石可以枕澗河之流可以嗽於乎真真人之居耶子邦姓志松豈有待而合者耶借曰子邦以儒為醫而將咀寶華耶鄉人得子邦而各得其壽耶大孺人樂聞子邦之業將大行耶孝秩與山人互安枕案則共而有光輝而已姑射即木

屋音取之訓爾

又嘗銘子邦藥筐銘曰維毒毒毒古之方肉骨起斃汝之良

九月十六日子岳與諸友<sup>謀</sup>而結詩社推牛耳於孝秩余亦在末列焉吟稿<sup>序</sup>甲集<sup>則</sup>序逸矣乙集混沌社吟稿<sup>序</sup>曰今詩猶古之詩耶詩其不可已哉孝秩序子初立詩社其指先屈我輩焉已會且盟者一百指其約曰格者不拒去者不保既而十數人比肩而齎何其濟濟於是月兩其會豈玄亭厭喧耶未分謂之渾沌渾沌之後無有渾沌之社焉得有二哉夫社者

以會立焉不會則何渾沌之有已無彼我胡有先後  
甲乙則其跡而已余曩已叙吟稿甲集今而不言乎  
嫌于相外余既醉矣亦飽德矣形穢久相忘何復遽  
解為鳴乎文明之運鑄陶萬類重熙累洽海內之士  
喁嚮方詩教元正之後於今為盛矣周雖舊邦其  
命維新豈浪華今日之謂乎磧儒鉅生焱至雲合延  
佇觀光雲從風隨同聲以相應傳不言乎物類之起  
必有所由翹々錯薪言刈其楚乎則彬々之撰非序  
子而誰一唱而四方和焉豈不然哉今詩猶古之詩  
耶溫柔敦厚成教於國者渾沌之社其效可見矣孝

秩之指先屈我輩顧是陽喬典然則渾沌之義亦竊  
有待序子已諸君它日驗余言乎詩其不可已哉  
〔私擬策問〕汎愛衆而親仁弟子之先務友其士之  
仁學者常行仁人其易知與仲弓南面之德冉有季  
路政事之選典夫閑儀之公西華亦皆高第弟子也  
仲丘之於之數子者尚且稱不知其也何仁知之難  
抑所指各殊學者未究其旨與心之德性之德至於  
管仲之仁而窮矣近時所謂安民之德與三仁夷齊  
之章其辨有窒礙焉且博愛而能救非安民事乎胡  
為曰何事於仁雖曰欲則斯至又曰吾豈敢已非答



辭烏得為謙仁果有異端與諸君之所任亦當而不  
讓請無隱而悉其義烏私擬對策曰仁之為器重其  
為道遠舉者莫能勝之行者莫能致也若夫口行相  
反是謂之玩道聞而不行如以耳食耶唐宋諸儒之  
說仁豈不美哉其如言之無訛何況淺學宵聞如某  
豈容得而論之哉雖然方今新學之勃興也人異所  
見互夸所長耳目鼻口之不相借亦惟辨之所以不  
得已也與夫仁有大小廣狹之分又行與事有所指  
烏其合而言之道也唐宋諸儒言仁之義而不言仁  
之方古訓是以不明也仲尼之意乎哉雖然謂管仲

之功亦成自博愛何為不通三仁夷齊其行合乎道  
則亦安民之德已其以愛浹仁歸之內者也孟子曰  
惻隱之心仁之端也且仁者必博愛然以愛為仁則  
不可也若夫安民為仁要之事功者也脩己安百姓  
堯舜其猶病諸誰謂外乎仁乎然安民為仁有所不  
通合而言之道也如曰斯仁至矣蓋仁德本至遠然  
人而不仁不為也非不能也顏淵三月不違其不然  
乎故夫子言之以勤學者也與夫聖與仁吾豈敢章  
旨自不同仲尼不得其位制作事功非所得而立也  
豈謙辭哉仁非有多端所指各殊者語其方故也博

施而能濟者聖者之事夫聖者道之所出其何事於  
仁如曰不知其仁亦有大小廣狹故已又不曰子君  
子而不仁者有矣夫君子雖曰在上之稱也不仁無  
道之君謂之獨夫有君子而不仁者雖則學道何必  
謂之仁子產有君子之道曰焉猶未得仁則其為之  
難誠難矣夫數子者身通六藝誰不據乎仁自後觀  
之其曰不知不亦宜乎然如其心日月至焉亦皆有  
之不然南面之德政事之選與夫立朝之能言者豈  
不仁而可哉但其心不違者至為難爾木訥令色語  
觀人之道也其不曰有共無而曰近共鮮人之性行

亦猶如面不可預定也知力行之近虛飾之鮮則仁  
人可知已斯以親之斯以友之何向其心之違不違  
乃古之道也且觀仲尼對諸問仁雖由其人不同必  
以躬行言之則為仁之方亦可知也大夫而稱賢士  
而言仁以有親疎亦復躬行知仁其旨詳矣已欲立  
而立人已欲達而達人是忠恕之事也夫子之道忠  
恕而已矣為是故也堯舜之道孝弟而已矣亦為是  
故也故曰孝弟也者其為仁之本與忠恕也孝弟也  
違仁不遠則仁人誠可知矣耳知而親之友之亦為  
仁之方也蓋<sup>古</sup>學者為已履而行之志仁故也今學者

為人所論皆鑿空玩道故也苟志仁則言之得無訛  
哉况淺學宵聞如某豈容得而論之哉姑述親仁之  
義以謹對

戲告諭鼠檄在昔張廷尉劾汝類掠治訊鞠以論報  
遂磔於堂下焉汝何弗聞夫晝伏夜動不穴於寢席  
是公之空汝已食我黍又食我稻窺鬻翻盆雖不過  
滿腹乎穢污遺害不淺矣登檠走樵中櫛雜佩無  
物不嚙無室不穴動輒白日公行以肆其貪豈謂無  
復有名獄吏耶今而不討隍類蕃滋恐為大患汝以  
暴行無禍為常與謂我屋所托與君側之惡猶可討

况非社乎碩鼠我告汝欲左欲右不必逐之若  
不用我命者三日五日載殛載殄穴則薰之灌之循  
牆而走狸貓以驅汝其勿悔

紀間杉平治事間杉平治者不知何處人初幽居摩  
耶山中以佯哭仕于楠廷尉將士或謗曰雞鳴狗吠  
戰國用僮人有用非美事也况慟哭悲傷何益於攻守幕  
下宇正安者為廷尉患之竊謀殺之滅其誦因引平  
治而飲于志貴氏正安從容謂曰聞卿之哭能泣壯  
夫有諸平治曰我哭可以泣鬼神矣何况有血氣之  
屬正安勃然起色曰果如此試泣我二人烏不然腰

劍令卿泣耳平治怒駭顫振徐謂曰古人鍼舌而箴  
言宜哉公等將忍于某其藉令盡我伎何益微軀不  
足愛也請一言以死鄙人父為右衛門尉真喬延慶  
中在鎌倉為普恩公家臣赤澤者橫死某時才脫慈  
母之懷親戚離散母氏遂落魄流寓四方突且不黑  
其呱善泣劬勞之積母氏一旦寢疾饑寒相屬卒  
不起悲嘆之際囑某曰汝必復讐方是之時某之哭  
不啻三日三夜西淚湧內九腸將斷吁嗟先人沒于  
非命母氏饑而客死不天未能復之逝者之嘆我徒  
悲吾哀則人以善哭呼我謬知廷尉某近日寔不哭

竊計復讐之日不遠矣一言之下忽至于此命耶非  
耶何為不吊且泣且語云云不已正安等恍乎如夢  
涕洟漣漣不覺欷歔平治若然擊節而曰公等泣耶  
前言戲之耳幸勿深罪二人駭然未如之何卒善  
遇云是時尊氏兄弟據京城擁十萬兵南軍偶不利  
也流言源中將楠廷尉為流矢死于亂軍矣楠公因  
使平治放計於敵軍平治受策昧旦單騎至戰場駐  
馬一僧院前放聲大哭僧徒怪問則曰某楠廷尉之  
小臣也昨之戰廷尉墜躬於流矢悲哉某時不在遂  
失尸之所在欲死而無益亦何面目歸鄉里進退維

谷不知所為若歸于佛以全忠於報土其或不乖耶  
諸君不棄卒甚衆僧憐而許之終薙髮而受戒因請  
曰某蒙廷尉之殊遇銘心不可忘也而其骨未有所  
歸是忍乎相與就戰場搜求嚙骨嘗肉惟信惟誠  
愴然如失愁然如怨平治泣則衆僧亦泣或見而怪  
其故又聞而憫三人成市虎尊氏實其事烏楠公又  
多舉炬以示走因舍杖以急擊其不意尊氏走西國  
平治竊取其馬而亡嗚乎楠公善用人哉平治之技  
亦奇矣哉

東林稿跋余自縮髮以來從先府君而遊東林周旋

樞秉私心竊慕高風久矣和尚偃伏之憂不以小醜  
或為豎子可教矣動輒以仲容遇焉余殊洛薄和尚  
常賑南阮之貧慈恩山積狗馬之感銘于心膂然亦  
不能脫世羈而學無生遂去密湖中出壻浪華違和  
尚愈滋遠矣雖然區區不可不在鉅鹿也和尚一旦  
僊化傷懷何盡駒隙荏苒嗟乎亦無為為善也唯教  
誨之在耳豈可私負於無何有之鄉哉偷懦轉脫抑  
誰謝負此稿空為嘗瞻爾時復誦其詩瞻乎尋昔日  
於嚮像嗚乎亦哀哉若夫和尚清文妙識具眼乎斯  
道者業已覽德行於平生而證之文字禪余也幅中

男子其復何言乙酉之秋九月望族姪兔道澤元愷  
謹跋又與其嗣法高山書弟選懦東林稿騰寫未卒  
病魔為祟隣死不死豈天之寵耶亦長沙氏之道有  
在爾老叔禪師嘗謂醫亦不可不學也豈謂弟今日  
耶思之心猿復躁弟跋中所言亦今日身忘日在途  
賸本一部貢上鄙文真贗哉唯取不破妄語戒可也  
有座下命故并致若有獻高貴為弟拙藏為妙惟弟  
選懦有加於病餘又患眼賸寫不能卒業於瓜期而  
假手於人有負座下所恃同病相憐耳貴恙近狀何  
如弟所友善有專門醫其鉤割鍼烙之治恰如匪石

之斷聖漫也輦下多士不審有彼善於此否也若欲  
得一診乎飛錫南國不甚難矣渡杯十里亦應不減  
剡溪之興弊廬雖下濕東道有房如何如何若有賜  
報使一驅烏國牘筆受不欲煩座下亦惟同病相憐  
爾

丁亥正月十三日宜去浪華而寓予邦氏於河內木  
屋村余自贛山氏安堵十年一旦忽至折著新帶嗟  
乎一棚隗畷令彼寡與孤者余也其餘奚足言其餘  
奚足言余雖失據而歸子邦子邦不比之窮鳥三月  
之久毫無德色亦惟管鮑不以時耳時河內痘疫流

行木屋為甚子邗之門如市日夜栖、余亦不得寧  
居二閱月之除所瘡凡一百五十餘人其治與不治  
幸不失一診余嘗謂瘡者傷寒有瘡耳苟易與也人  
或謂無認獨子邗然其言方今質諸行事相謂為一  
快云余有遊凡小志化

與子岳書其畧曰前月廿三日與村豪少年遊金龍  
寺自牧方濟澗沿芥川而登山、路頗峻泉石洵美  
寺在山巔間關抵門則滿目皆花、皆一樣空春也  
一陣春風靡雪漫、山寺春夕之什可想哉漸至樹  
下地寂人稀幽趣可掬有禁榜乃出門席地而飲、

而聯步古墓之辟矣遂探花井訪能因冢又抵西河  
原看所謂疣櫻者樹唯一株其陰東西六十餘丈亦  
奇樹也唯未足大觀已至三島江買舟而歸子邗家  
本月三日遊巖船獅子窟村人尾生為導先登妙見  
山、在木屋村南二里許相傳星隕化石因祀焉其  
近村曰星田乃其未由云下山泐天河之流復入山  
可里路殊狹隘左右皆石壁、下多巨石其尤者曰  
岩船高二丈餘延袤不甚殺其上可列數十人望之  
兀然如山如垂天之雲橫截澗水而水出其下故有  
船名其形不必似也若夫為之弟為兒孫遠近皆奇

石如蟠螭如踞象似洼者似汚者漸々磊々不可勝  
記且顧且步如足之妒目何整辟而行者十餘町始  
至船下尾生石頭開行厨且飲且歌久之意盡而去  
獅子窟距此三十餘町抵寺日猶在衡陽踞廢門礎  
以息呼酒助氣有僧為說十二景又示興廢緣起復  
小角草創之聖武天皇再造寺院今寺寬文中浪華  
豪民無極者所建云窟在寺傍巨石相藉天然作獅  
子吼之勢其口可容十數人矣回首遠山之秀時來  
襲人衣裳六懷我子岳哉它莫足言者白磬在通四  
月五日

四月十九日角巾出河內將遊粟中也先是子邦與  
邑人謀令余村居修業然奈志之未遂不能從其請  
也時有藝人勾引我意者欲往不果并元孺為遊粟  
之說遂以本月廿六日航南海焉既至會國中行新  
法余抵圓德寺呈元孺書住持僧相迎先告以新法  
之故余不知何故乃引余一室告曰新法舍客之無  
文引者罪逮伍隣今井生有書且貧道嘗在大坂仄  
聞先生之名藉令坐罪千里之客安得不舍余欲去  
之他無符則不出關欲速還大坂又無船引晝夜伏  
仰一室儻如拘囚殆為高鞅增一嘆已凡二十餘日



方始得脫自茲無意復遊侯國姑賃居浪華扁曰常  
且之室戲化之記曰容膝之僑其席凡十有二裘  
延之三之一缺而不席者四之一障其三分而界焉  
南<sup>向</sup>之牖亦有紙障之閑蓋其室環書之外唯木几蒲  
團几上之研有二其一函烏朱白小研寓在水確筆  
筒鎮子厭尺雜沓臚列筆洗有小碟書槩帶簽紙日  
課之厨空其二格一藏畧枋裁板書刀燕尾鐵尺錐  
子等此是裁吾書之用也一則褚先生副墨毛穎數  
子而已又坐右有担塵拂有棄紙洞有香烟盤沿壁  
而架桁竿外套廢服明衣悅巾毳烏帽素鞵其下有

佩刀摺扇香撞烟袋及懷中囊中但有牙叔耳爬  
類耳書厨凡二十餘十三經欽定四經三禮義疏是  
我駢母也四子則集注及物子之徵學庸解等史學  
唯斑馬及溫公通鑑文則四家之集又通考通志韻  
瑞藻林藝文類聚及伊氏之著作備之披索字典韻  
會韻鏡為字學另一函性理之籍脈家以長沙氏書  
為經其它素靈本艸金鑑寶鑑以當負廓之田若夫  
西漢已上所謂十三家及稗官之雜若存如亡不必  
常有然目未嘗渴古書也我腹之枵亦可以警佚哉  
其具則竹籬木桶各二槽在宅之北邊水缸在槽左

釘槽上而挂飯巾羹斗薑擦木盥又吊桶汲義井提  
桶貯之路上賣采蔬則買以煮之味醬用沙盆研槌  
或時備前之醬搵南之酒亦皆待擔而粥也調齊在  
一炊時飯熟則就煖以煮若得小鮮與脯脩亦如之  
鑽具吹筒遮火鐵筋厨刀肉几於是皆有其用雖無  
蒼頭亦常用僕憎而燂架之所設匹制之盥方盆三  
箇室翕甌盤酒鎗注子急須烙鍋皆自供也偶有與  
筆之客自遠來則一卓子同被衾無方枕之僅供則  
印匣以代其他衣箱寢具等戶席之一方以藏穀匣  
行竈茗瓶炭籃行燈提燭相比相伍棕帚條帚盥盤

浴盤皮鞋草鞋木屐木履倚四方之隅而居又有蓑  
笠不借之待遠遊出遊則黼鼠以留守尚鎖其戶以  
備它盜出戶五弓有固外其間狹隘暗昧殆如入隔凡  
之洞嶮亦可負裁以故人跡至少以故空讀書業已  
不知入囊之趣胡為記歷日我以此為吾常之不足  
其何足之有遂名曰常足室在浪華久宝橋西  
余向得袁氏功過格而好之因為之序說曰微言既  
絕禮樂掃地以降修身之道不得不歸重於內也子  
思說禮樂之義而孟子孫卿亦皆跳而之理蓋時為  
然已若為宋儒執一而廢百與文王不興其誰知禮

樂之情者方今之時禮云樂云何豈在玉帛鐘鼓之有而  
况斷髮徒跣刻額黑齒由何生易直子諄之心若能  
求諸已乎則學問之道無它強恕而行仁莫近焉故  
曰夫子之道忠恕而已矣蓋強恕而行莫近於功過  
格焉以其書出二氏而因果報應為說學者不取也  
甚者大笑莫之能視也微言既絕禮樂掃地以降禮  
云樂云何豈在玉帛鐘鼓之有而况斷髮徒跣刻額黑齒  
何問無齒決仲尼曰三人行必有我師焉今且擇其  
善者而從之其不善者而改之功過之法違此不遠  
是其恕乎豈非終身可行者乎儒不寶金玉維善以

為寶無價之寶安得嫌出海外哉書曰化善降之百  
祥化不善降之百殃易曰積善之家有餘慶積不善  
之家有餘殃影響之說其復何病嗟乎一日不念善  
諸惡皆自起務記之則善以自益惡以自損道理最  
大或曰見善如不及見不善如探湯何必華為雖然  
人非堯舜烏每事盡善仲尼不云乎躬行君子則吾  
未之有得而况方今之時修身之道不得不歸重於  
內也余嘗耽博而求斯書焉在修己以敬讀之一再  
恬不留意思之思之不敏如余不得不三者吾身也  
微言雖絕禮樂雖掃地雖斷髮徒跣雖刻額黑齒內

省不疾油然而生易直子諒之心乎則鄙詐易慢安  
得而入哉造次顛沛自強不息則積小以高大其德  
日新光輝必有隣矣惟德輔如毛鮮能舉之謂行之  
維艱也因為之序說以自勵而告之同好云丁亥六  
月晦又刻功過格小引曰如其禮樂以俟君子云則  
與其後進寧野而近於仁強恕而行斯有道焉譬如  
為山積一簣進吾進也虧一簣止吾止也名其書曰  
功過格其唯違道不遠我以為忠釜怒蹄已其惡影  
響為說也則曰在門牆則揮之在夷狄則進之豈不  
愈忘釜而羨淵捨蹄而守株者乎然況亦無有乎爾

則不得後進於禮者乎昭烈有曰勿以善小而為  
勿以惡小而為之有味乎言之夫積小以高大參天  
入雲不崇朝而雨天下矣未之或知也遂刻以贈同  
志

復山退翁書誰謂獨獐矣具性安知有宿福在乎僕  
不讀一葉貝曲則止論已坐禪靜坐目以為疾雖曰  
輕詆亦惟葛樞固執管斑而不疑全豹於理外詎足  
怪哉向遊河中之日為人解說道理渠亦葛樞僕誤  
而不嘗欲使瞻然言下也委曲反覆理跳而出理其  
理非常之理忽爾有省恍乎如入無何有之鄉似遊

挑源洞裡然而佳。鄉難常若存若亡。自不知其所  
至。從是之後。雖馳思前路。操則存庸。則違應事接物。  
於我何有。但伏讀四子而尋思其義。時有似披雲之  
望。潭思沈默。歷觀先儒之說。有似登高山而瞰丘壑。  
於是沾沾自喜。欲言而口不能言。蓄不果究。微出以  
論。則親友見以為狂。為天僕。為陽矣。辭尊拳而罷焉。  
知非語上之器哉。惟默契而已。僕不讀一葉具典。  
則此論已妄。謂此是所謂一切種知者。佛心印者。以  
此度人。乃是慈悲。以此行法。乃是僧伽。是耶。即見性。  
成佛之人。非耶。彼妄化而已。欲因是下一叩靈源。嚴

靡前書之浮沈不可知。則其意不得。不遠千里。徒慨  
宿福之薄。爾爾得呈下書於令嗣君。則揚確吾道而  
證諸文字。般若深切。懇到為尊。猶為具性。耶。欣然當  
心者。千里同一月。段令遠千里。鯉往。鳴來。如把臂一  
堂上者。宿福之不薄耳。仲尼曰。有朋自遠方來。不亦  
樂乎。說者多。但解樂字。而不解樂何物。足下若能點  
頭。吾所以樂者。歟。葦笠雖不往。杖屨雖不來。必也。把  
臂一堂之上耳。如何如何。新刻二本。貢于左右。其為  
遼豕固也。此舉。為僕自證。足下果點頭歟。必有取  
僕之驗。足下亦復在茲。如鄙序所謂蓄不果究者在。

方之內而說方且下所謂無藏乎汝者亦復在茲若能會此意乎則日用不知者無意必固我者造次顛沛於是者乃僕會且下意也宿福之果不薄杖屨不肯來請著蓑笠但未有出期州、布腹心但恐復遇殷洪喬耳令嗣君無恙勿勞道念  
再答山退翁書瓊報致送自片塾反覆丁寧亦惟老婆深切哉雖然至責僕之無訛殆非所以望且下也僕雖狂愚豈敢曰能之豈亦欲向常人而說不可說哉僕所言理而已非事也孔子雖曰吾欲仁斯至又不曰予聖典仁吾豈敢僕之所言理也夫斯理也無

聲無臭不為賢增不為愚損亦詎為佛老而內為拘儒而外哉是謂一以貫之吾聞教外之傳亦不外斯物也然則見性自證何不可之有諸子之言理猶且汨沒是非海理奚足深信且下以絕倫見彼輩與蚺暢之為龍亦未可知也所謂黃龍諸子亦未知何等癡漢況未嘗讀一葉貝多何知垂示之意趣妄意書所見於別紙以呈亦復理而已仁之為器器者莫能勝之行若莫能致之況不敏如僕豈敢但違此不遠亦猶一菊之水與海同一已其復何疑僕自證如此今且下愈滋斯之不信所不恤也業已不以常人待

則不可說者不得不說也。若婆深切幸勿深罪。  
丁亥之秋為播擷諸地遊有紀行曰：俯黑始除則秋  
色日促遊趣偶鴻長卿書請弄月於海濱余喜可知  
矣。求所偕而不得期之至烏巾霍裳甚望蒙葦不必  
改廢衣挂方便囊。中無長物唯盃椀烟具類耳。絆  
騰踉蹌日夕出榻廬而訪長卿。長卿風流調暢此日  
與少年會飲啣杯呼盧若旁無人。余至投袂而起急  
收行李戴箬笠以發。抵江戶港買舟。未放主翁行  
酒余亦強飲數杯醉而卧舟中。夜半恍爾覺而視長  
卿忘為華胥之遊矣。四顧月色皎朗清暉衝波浪煜

煜然。余舟如浮銀海中。時宿醒與注病相發動嘔噦  
相繼。不唯不能忘憂卻買苦已。瞑目多時。舟達福原  
濱。東方未白。殘月朦朧。秋寒砭人肌骨。沙嘴有火舟  
人焙船底也。至此吸烟徘徊。將別色村。民來集。賈人  
捨海運之船也。長卿所識。櫓戶武村者。亦出相見而  
喜。揖余而延其村曰：神戶民多饒商。武之供極備。長  
卿問摩耶之行。主人使其弟某為鄉道。乃徑而茶店  
敏馬浦。至麓而息。迳稍巖岨。眼境次第。閑回顧。運船  
數百舳櫓相擊。如不容數。阪躋攀帆。遠近不常相  
接。而非始聚者。今散也。益攀眼境。益閑左顧右瞰。轉

回迂曲始至初利天上寺仰視磴道層層、樹梢入雲  
 寺之所名是耶磴級一百磴盡有伽藍置觀音大士  
 有記云古昔仙人法道者創焉元身釋書曰淳和皇  
 妃如意尼所建也今猶儼然一名區也而不在所謂  
 三十三觀音之數佛陀亦有不幸歟以此不為巡拜  
 者顯名所塗汚地尔清靜堂幸歟武生引余二人飯  
 其子院村酒強飲凭欄眺望滄海變為庭際盆池紀  
 泉之諸山為之界堤淡島如池中假山西北限以鐵  
 拐峯武之指先指兵庫而福原而脇濱而大右而御  
 影益左則五百崎蘆屋西宮左崎歷々瞻乎嚼然可

答其指一轉為浪華浪華在灣海東南之隅距此一  
 日程云益轉右則牧田粟島苦島可拳趾而越者河  
 波也無數之舟船至此失所在但點々如亂鴉始知  
 山之特高矣而觀海之勝々此余未嘗徑目也其路  
 非危輒千折則獸蹄鳥跡實可用武哉元弘中赤松  
 氏據此霸於播撮之際哉長卿請行余謂下未路無  
 取興諮之僧自西北間道曰青溪峻愈甚余不忍忽  
 棄其勝時々接遠景則樹根如而嚙足々蹈奇石則  
 垂枝奉我頭稍下洞水涼々或激而鳴則謂瀑布在  
 近右折數里乃得一村落曰熊内又行數百武抵瀑



武村与村老便  
一蒼頭肩行尉  
以送余二人  
辞氣劾切令人  
既嘆千歲之下  
哉

布處泉不懸之天而布地名布曳高十餘丈如斜曳  
正練傍有望瀑臺非斷而削成一奇也幽致雖有餘  
乎猶如飽太牢而藜藿不可箸已乃去謁活田祠規  
摸頗弘麗日方浴雲洞暗中摸索箬梅握扇井而還  
武村家則秉燭父老相集而勞似謂有貴客矣履明  
九月十三日此夕為良夜蓋寬平上皇詔始云當投  
宿須磨日高發一蒼頭肩行尉武村與一友生送余  
二人抵廣嚴禪寺展古寶而視之楠公書二幅其一  
非親筆軍扇幣串等其真贋吾不知也其書其言足  
以欽英風爾亦何間然其譯曰使非他顧我戰死

在近歟欲見汝成立而義唯有弘而已死則乃公事  
畢矣汝唯學焉學而成立則吾志自可得而知已白  
絹一匹上所賜也甲冑祖々相襲至今我所貫也  
併贈為永訣身建武三年四月廿日軍扇用革化之  
以髹上表平而下圈所謂便面也徑可五寸鐵其握  
長可二尺風韻頗古雅幣者巫祝棲神之物其柄曰  
串俗有取而代持旗事其長短於軍扇可三寸有字  
陋拙昔者水戶侯義公特表其墓投化明徵士朱舜  
水化銘其事皆口碑之所傳者也嗚乎世稱我諸葛  
武誠不讓也武村閑尉於茶店酬獻一曲乃別徑筑

島寺抵平相國墓舊跡多石浮圖土俗亦多誣說不  
足信也遂行須磨寺亦有什物平公子敦盛笛尤著  
聞亦復多假托余就荀輿長卿嘗一過播中留此不  
往故也比至舞子濱天朗風師不驚夕陽共海水映  
發文論如縠如錦又如琉璃盤如鏡滉洋萬里上下  
為一豆島江島輕浮如雲影出沒一瞬之際或聚  
或散又峻又衍儻忽千變目眩不能狀其象也淡島  
相去一里云化聲可喚正與舞子濱相對登千壺丘  
愈滋向我色動昇人但歸獨酌一鐘其餘令觴而乘  
凡損之西界環海鐵拐峯為之障古昔置關可想矣

海若怒發則一之谷以西潮乃嚙山之足嚙之數弓  
行路頓絕意者壽永之時常嚙而不吐耶東軍越山  
而襲皇居殆如推卵然空矣既而還須磨長卿雇一  
村童負尊布席沙上穿沙化突以温酒共余箕居以  
縱觀焉漂碧流金變為一白嚮所見一疋罽錦今見  
其裡面耳帆影隱顯烟霧中洋不知其所以往興趣  
未盡繼之千情萬緒互酌以澆遂醉而歸而卧不  
復興言十四日夙發須磨驛取正路而行自永田村  
至兵庫多古墓乃平氏諸盛所戰死也過福海寺其  
扁足利公所筆渾雅可愛長卿訪北風氏則酒哺慰

勞余行視禦之之大可容數十人海鮮百許頭空遊  
相逐有所謂比目魚其行如鼈非而之相比也飯畢  
日旋過午余欲嘗鶉越長卿不肯遂左夢野攀十輪  
阪是謂烏原路之唯羊腸頗峻峻時之泉聲快洗我  
耳行可一里巖然山閑村落出口烏原秦人避亂者  
猶在耶又行里許山椒可以觀海矣又行數百武路  
閑稍平蕪不知其山也遇童之牧牛而知人間之不  
遠耳得一村名曰東下日正下春宿村民家十五日  
辨色抵衝原村之在攝播之文距東下不半里而近  
有千年家相傳大同年所造營丹生山聳其右屹立

巖薛樹色襲人余不覺神飛長卿憚峻而難悵然而  
行去距東下不一里而近曰原野村之民家有梅雨  
泉廣四兩席深不過尺梅雨則湧之則水旱無涸溢  
以概數頃之田<sup>過</sup>梅雨霽則涸年之不失其期云世之  
所聞知也又行里許村曰溪上訪村民文夫宅之前  
之山草樹蒼蒼積翠可摘文夫携樽先登尾之數百  
弓松草如布地余與長卿興趣勃之載采載煮香氣  
異常引觴滿酌使氣嘗險此日霞布雲豁彷徨乎疑  
登仙羽化大叫快哉更攀一大白而別日猶晡時路  
出山伏阪唐櫃村乃得一溪即鼓瀑之下流也行凡

三里許日莫抵有馬鬣萃雜還別為壺中天地但能  
幽清之趣余二人亦浴泉一再即寢而議登務古  
山一名六甲其高千仞以外周回與諸峯連亘不  
知幾十里山半蜀馬以故佳致不多飯畢收行李以  
授導者則荷擔而先發有馬二十餘步南折五十餘  
步逶迤沿溪而行二十餘町至山麓踞巨石掬溪水  
飲之以登非擇巖角樹根而蹈則沙石崩壞不可住  
足而觀者可半里榛莽披面藤蔓繭足而不顧相呼  
奮臂以前達山巔旋平坦西望播磨丹波諸山如培  
塿如平原如垣如穴東北攝山之土壤亦皆對我其

出壺則廣野  
莫之行凡百步  
猶聞雞犬之聲

高出雲表者金剛葛城生駒比叡亦皆接襟衽獨愛  
宕冒絮而不見但觀海非此山所長也斑荊而坐喫  
烟息踵嶺上有石室小他祠近鄉之民所禱雨處也余  
謬曰天不厭昇平與霽明五日肩上海笠何遂下  
樵逕不甚嶮各復肩行李以下余卒不能棄雨具也  
澗水漸雄壯左濟右越可一里許溪陷而化水簾高  
十數丈可觀又巨石多奇橫谷立嶺或相集而語又  
相迎而揖如羽仙如胡僧如望夫之婦不可奉記得  
一村乃飯名曰蘆屋之里回睇所過兀然雲間緩步  
徑打出濱抵西宮或曰此祠祀唐玄宗皇帝也豈雷

田同熱田祀楊妃之說其言曰我呼外國為夷因其  
訓名曰惠美須帝小字三郎故稱夷三郎帝後居西  
官故名其地附會之妙烏知非潘吾之誕此夜投宿  
茂松菴長卿則訪婚家翌十七日長卿手自提厨以  
至將遊兜鑿山余以俗近不欲乃罷正午出六湛寺  
過津門村有寺曰昌林樊籬荒蕪唯古松數株大可  
蔽牛頗有幽致躊躇少頃遇僧之出行向寺所叙而  
知如意在舊地寺後有奉壽墓事見野史距此二百  
餘步有荒冢埋大江山妖賊酒天之元云又有高師  
直冢過小松村等覺寺小憩比至左崎日正懸車買

小舟而還夜將初更棄舟於江戶港而步歸家則苑  
居四壁呵研他記聊供卧遊余好遊而不多遊之不足文  
也是亦何足為文雖然安得比之古紙上觀余嘗彫  
登山觀海印今取而名云

為賴千秋壽乃翁六十叙賴千秋謀壽家君之六十  
也為文乞言同盟余不佞與千秋交日深而復與焉  
蓋撰之與藝風馬牛不相及也文人既服官政耶今  
養於鄉耶固未之聞也若夫外珍五耀內守九精道  
遙乎山林深谷之間不則奉瞿曇氏之教者皆非其  
所樂云夫三老五更徒數甲子而養於學者乎哉賴

丈人而矍鑠乎則為子秋者待其杖於國於朝貳膳  
常珍輝榮鄉里未晚矣不則千秋之業方今無成  
而聞於家於國徒弟如雲相率以壽家居與尔未晚  
矣而如余不佞懇請不措何居子秋夙惠嘗鳴於學  
士儒生之際也多謂速成速成余不佞與千秋交日  
深旋與筆研未嘗見才氣加人者又嘗見從先生長  
者而行其名雖雁行相若將為之負席吾曹狂狷爾  
女相詈開口方人誹議悻起千秋處之靄然謙虛如  
至性然余見藝人不為少矣况才學如千秋見老成  
於弱冠求之大都其易得哉顧家風有在丈人之慈

教可見矣哉既而千秋負笈子里日積月習為之兄  
弟日多一日人情世態業已熟焉於是視家君之志  
思其慈教而一喜一懼交至於覽睽之辰則為子秋  
者烏得無請於文以會者乎然而丈人之志不在道  
途乎山林深谷之間尔不在奉瞿曇氏之教而千秋  
之謀壽也絲竹歌舞雜沓亂發浮白無筭行厭厭  
耳熱首濡相謂愉快亦惟家風有在其所不屑則方  
今六十以化嗟尔其人可想哉然則何以壽賴丈人  
請敬叙一言曰藝之海百寶生有父有子竹原之鄉  
發厥英請待之十年丈人之德稍々邵貳善常珍養

於鄉而國不則子秋之業方成在家必聞在邦必聞  
徒戾如雲相率以壽家君共余不佞共千秋文日深  
必效以祝辭已

〔城氏日新居說〕田甫濱海其民多舶賈城子鮑居此  
亦嘗業其業距今十年所子鮑所運之舶漂蕩東海  
當沒不沒經數月而漂到蝦夷之地幸不葬鯨魚之  
腹而藉夷如鬼指腹求食之皆不火茹毛啜血千辛  
萬苦當死而不死其何奇哉子鮑時尚弱冠而能言  
詩至船中人相食子鮑嚙所齎書而待旦夕之命焉  
既而在松前欲謝恩人而無一物唯老子一本乃贈

其人云瀕死之際尚能手老子而讀之亦何奇哉可  
謂能存志矣今茲丁亥決意廢業就孝於吾黨可謂  
能成志矣穆卜之居名曰日新齋片子孝秩扁而聯  
之又謂予其說蓋浪華之民矜慎怯熈々壤々唯仰  
機利子鮑在術中而能拔群於予亦奇哉雖然在夷  
狄則引之詎足奇吾黨子鮑從此門墻詩書亦能奇  
日新之業其唯詩賦文章耶彼大海洄風驚濤如山  
騰踊澎湃霾翳朦朧萬里無際橫海之鯨將吞我船  
捫兩鮫人之怪無氣而能行能飛而無翼其夫鼉鼉  
蛟龍橫尾曲頸方目偃頰無數之波臣出沒從溫不

可端倪或藉夷之肘弓矢四海如陸陷崦巖如平地  
子態萬狀愈出愈奇子邈之所固有則發為文為詩  
每篇出令人驚異果吾黨之奇士也亦惟在日新之  
業耶予之有待子邈是已業已能存其志又能成其  
志猶且春秋如海如山富有其可庶幾哉若夫高德  
之歲孝秩存予復何贅田甫俗化傳法本仍佃浦子  
邈初出農故佃去篇今又罷海運之業故浦去水子  
邈自道予之取從主之義已傳法距浪華治一里而近  
賴千秋即就居集小引弁先有言千秋往而千秋來  
謂為我千秋而道之可矣一堂之上且莫千秋蓋余

之幸也豈止一友生乎哉相與千秋且莫者雖不敏  
亦有待與囑余一冊子而曰家君有命而今而後質  
笱應酬折簡之微必錄焉是其臨觴欲請得子一言  
而冠善哉乃翁歎千秋其業與可不勉哉千秋我且  
莫不佞元愷之與有光輝已勉旃千秋它日玄晏於  
子余亦有待于茲爾

丁亥之冬子岳千秋輩為化文之會余亦有時而與  
要一時之遊戲未足收錄今取其一二聊供它日之

說話云

私擬策問五道其一海內諸侯地無大小失其貴於



三都富商甚於戰國之於蘓張矣有司者奔命於乞  
貸殆至搖尾求憐貧而已甚豈其國損乎大國之間  
加之以師旅耶抑大災薦臻耶勵疫相繼耶蓋升平  
二百年所民目未常見金革也論已其國有山崩川  
竭蝗蝻螟蝗而然耶豈有如蒲無子遺教諸君牆羹  
詩書又已審時勢居則曰非其位也如有以我者與  
富之教之既有大訓何以救今之弊若不悉其說恐  
不免經術無益於吏治之謂也其二 神祖創業唯  
質是尚封建恆定而五等之目未有其制也率土之  
濱無所不履而不去臣位雖曰至德乎王者之跡未

得稱焉國是則固有近時關東學者動輒以名自任  
雖曰言不順也非衛君待子而為政也已非其位將何  
正之為而曰名教在吾輩非僭則妄已故事東都准  
仙洞然則稱都稱庶稱御稱制可矣稱國家稱懸官何美  
稱諸侯其猶明人稱方伯於郡守與猶可矣關東學  
者往稱山城天皇稱天皇某諱又稱皇臣又令邦  
君稱孤寡其儲亦自稱世子抑於汝安歟 天朝官  
爵欲措之何地哉非僭則妄者非耶二三子尸祝關  
東之學自有其解請勿金玉其三萬古玉一姓華人  
羨稱云今學者唯務效華人而視我先王如彼視

勝代如東都太宰純公然稱天皇其諱是豈華人耶  
京師宿儒有號仁齋名維楨者曰維曰仁是皆御  
名之通套童蒙之能暗焉臨文則曰不諱也豈得以  
二名共嫌為解哉古昔辟諱之法愚未聞其詳然伊  
豫神野郡以嵯峨天皇廢之火伴氏以淳和天皇  
為單姓昔者新井白石使韓使改其國書則知東都亦  
有制焉天朝果有律字則彼二儒可斬矣諸君華  
其腹有年矣請試論報方坐朝出令之時為之如何  
併今之所行告于我其四浪華我燕趙耶號稱難治  
若夫吹竽鼓瑟鬪雞走狗六博踏鞠為俗株連蔓及

之弊苞苴弄法千金舞文則姑置頃日也賴返猶吉  
白昼刺人於大道稠人之中一發斃三人餘及旁  
人其他奸梟類此墜命七首二閱月凡十數人云非  
賈生孰不長大息乎愚聞逐捕官藤織部卸都於東  
都時族滅三百餘家街戶不閉者數月矣武健素不  
在其人但未聞化之以道術者設幣命遽降隗始在  
諸君而問以蒼生何以致此諸君淹留斯土思念熟  
焉顧有所先矣三年之成則姑置請道期月而可之  
方其五醫之為良可以輔上之仁其政豈可以忽諸  
方今商賈破產則醫未暮歛免力役則醫遊閑公子

見逐則醫其夫。獵人餅師俳兒優子，亦皆一變則醫。豈以為無市藉商旅化務而騰逐，什一歎而無賴。逋蕩數哉，醫之無良職之是。由雖然，今之為良多起。衣褐之中，胡三其世而良之哉。諸君一旦當時夕之。羊何以救今弊，其君其親急遽之際，何以撰其良夫。良之多，其可以輔上之仁，其改豈可以忽。諸明告于我夫二三子。

讀物門五子文。余從諸兄之後，而與著化之會同也。題以讀物子五弟子文，胥命焉。余也嘗學物子之所學耳。物子之文猶且不盡讀之，況於五子乎。已則

皮相是言如東野之才，金華之達文之，以禮樂之何。有惜哉，夫不假年也。春臺南郭人家，其言伯仲之間。睹周南哉，譬之馬亦皆汗血之駿也。其長及馭逸才，絕群不辱奴隸之手者，春臺之馬耶。物雜謂之文，唯是。不雜白馬翰，如未受飾者耶。然皮束筋，束骨要，不易得之良也。但覺肉少，豈其養不足耶。麋背麟腹，席曾龜尾，斑毛炳耀，其文如錦者，南郭之騏也。望之小就之大，蓋肉馬也。故其才不必在超影逐風之選也。毛詩傳云：青黑曰騏，或謂蒼艾色。又謂青驪如博棋是也。金華之馬，隆穎跌目，但蹄不如黑麴。雖曰逸

群好跳擲不堪御也其眼有些艷其口有红光準上  
有旋白毛謂之戴星馬是東野之的盧也所憾上齒  
不鈎耳獨得其主而致其才者唯周南之象已其長  
不及春臺之馬而馴德過之其毛不如騏而朱鬣雜  
毛實諸侯之服也若夫物子駁乎駁者耶鳴乎天下  
之馬也盛矣哉諸馬出而驥北一旦空雖然余非有  
伯樂之識而况未熟其讀姑言尔所見而待諸兄之  
論定云

蘓張優劣論蘓張殆非匹哉其同則揣摩頌危而已  
詐偽反覆而已少時見辱似矣得意而驕似矣蘓從

遊七國張橫行七國是謂在伯仲之間與秦之為虎  
狼誰不恐喝者蘓之一說弱燕先響應而趙肅不遑  
顧後也夫山東之雄帶甲數十萬則其君子亦數十  
人矣而無有一人能持短長而諍辨者是其存亡之  
權有大過人者哉猶且蕞尔之邦君攘臂按劍於言  
下而睨秦烏田屈二彊協如建瓴其口才則已論已  
蘓秦一出虎狼不覩關者十有五年于茲烏謂非美利  
乎儀之自明不及如也固矣夫斥狼饒餓而張勸之  
魚肉之說况其說見用一秦惠則成烏蘓之說則不  
然燕聽而趙不聽則不得趙許而四國不肯台不得

然而蘓成其難於一時張致其易於漸虎狼之其群  
羊非如六國之於六國也蘓後頰而說之六國石交  
十又五年矣張則據帀狼之威而驅其盟將偷之群  
羊豈可同日而語哉張之無情於楚而蘓在則不敢  
出山東蘓死而後衡之說始伸矣蘓則秦儀於秦猶  
視牝犬欺措之我術中十又五年矣豈亦可同日而  
語哉起微一旦佩六國之相印者實自蘓而始張傲  
之而其說求之其反其難易如此故曰蘓張殆非  
匹哉六國若察秦之本謀其交宜益石而蘓死則偷  
盟如水是其時勢蘓之手暫塞川流而逆者欺故曰

烏謂非美利乎然而時論歸惡於蘓豈必在張之暴  
其短哉悍慢一決張乘其勢遂聲其橫死而嫁罪惡  
於蘓以扶已之說已蘓之死自取也論然隣死而復  
讎於身後其知權可觀已張儀之才既不及司馬錯  
而其惡不止五百九十四里也猶能全首領而惟虎  
狼之威耳要之蘓之刺股張之不舌可謂能酬其志  
者矣雖然其志則金石卿相嗟乎鄙矣揣摩傾危何  
足論乎

漫遊草卷之二



Faint, illegible text in seal script, likely bleed-through from the reverse side of the page.

